



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-7-1095-6/24– ME/ES  
Tuzla, 20.06.2024. godine

Na osnovu člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14 59/22), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16) i preporuke Komisije date u Zapisniku o pregledu i ocjeni ponuda broj: 03-11-7-1095-4/24–ME/ES od 20.06.2024. godine, donosi se

**O D L U K A**  
**o izboru najpovoljnijeg ponuđača**  
**u postupku dodjele ugovora za usluge fizičke zaštite ljudi i imovine**

**Član 1.**

Prihvata se preporuka Komisije, te se kao najpovoljnija ponuda u postupku dodjele ugovora za usluge fizičke zaštite ljudi i imovine, bira ponuda ponuđača BH SIGURNOST d.o.o. Tuzla, sa cijenom u iznosu od 54.000,00 KM bez uračunatog PDV-a odnosno 63.180,00 KM sa uračunatim PDV-om.

**Član 2.**

Ova Odluka dostavlja se svim ponuđačima koji su učestvovali u predmetnom postupku javne nabavke, a u skladu sa članom 70. stav (2) Zakona o javnim nabavkama.

**Član 3.**

U skladu sa članom 70. stav (6) Zakona o javnim nabavkama, ova Odluka objavit će se na internet stranici Ugovornog organa ([www.zzotk.ba](http://www.zzotk.ba)) istovremeno s upućivanjem ponuđačima koji su učestvovali u postupku javne nabavke.

**Član 4.**

Odluka stupa na snagu danom donošenja.

**OBRAZLOŽENJE**

Postupak dodjele ugovora o uslugama iz Aneksa II Zakona o javnim nabavkama za usluge fizičke zaštite ljudi i imovine, pokrenut je Odlukom o pokretanju postupka javne nabavke, broj: 03-11-7-1095-1/24 – ME/ES od 06.06.2024. godine.

Procedura javne nabavke provodi se u skladu sa odredbama Pravilnika o postupku dodjele ugovora o uslugama iz Aneksa II. Zakona o javnim nabavkama ("Službeni glasnik BiH", broj: 02/23).

Javni poziv broj: 03-11-7-1095-2/24–ME/ES od 06.06.2024. godine, objavljen je na portalu javnih nabavki uz Obavještenje o nabavci usluge iz Aneksa II broj: 793-9-2-6-22-61/24 od 07.06.2024. godine.

Procijenjena vrijednost predmetne nabavke iznosi 55.555,56 KM bez uračunatog PDV-a, odnosno 65.000,00 KM sa uračunatim PDV-om.

Rok za dostavljanje ponuda bio je 18.06.2024. godine, do 11:00 sati.

Otvaranje ponuda održano je dana 18.06.2024. godine, u 11 sati i 30 minuta, u prostorijama Zavoda (Franjevačka broj 36., 75 000 Tuzla).

Ponude su dostavljene od strane sljedećih ponuđača:

1. BH SIGURNOST d.o.o. Tuzla, sa cijenom ponude u iznosu od 54.000,00 KM bez PDV-a,
2. UNILAB d.o.o. Sarajevo, sa cijenom ponude u iznosu od 55.200,00 KM bez PDV-a;

Ponuda ponuđača BH SIGURNOST d.o.o. Tuzla je nakon pregleda ocjenjena kao prihvatljiva, dok je ponuda ponuđača UNILAB d.o.o. Sarajevo ocjenjena kao nepravilna iz sljedećih razloga:

- dostavljena je fotokopija Aktuelnog izvoda iz sudskog registra bez neophodne ovjere od strane organa uprave – (općina, sud ili notar).
- dostavljeni Aneks 4 (Izjava iz člana 45. Zakona) je bez neophodne ovjere od strane nadležnog organa uprave – (općina, sud ili notar).
- dostavljeni Certifikati za obavljanje fizičke zaštite za navedene osobe sa Spiska, izdate od strane Federalnog ministarstva unutrašnjih poslova, su bez neophodne ovjere od strane organa uprave – (općina, sud ili notar).
- Rješenje kantonalnog ministarstva unutrašnjih poslova prema sjedištu ponuđača kojim se daje odobrenje za rad agenciji za zaštitu ljudi i imovine za obavljanje poslova fizičke zaštite je takođe dostavljeno kao kopija dokumenta bez neophodne ovjere od strane organa uprave – (općina, sud ili notar).
- Polica osiguranja od odgovornosti za štetu počinjenu ugovornim strankama ili trećim licima u obavljanju poslova fizičke zaštite navedena dostavljena je kao kopija dokumenta bez ovjere od strane organa uprave – (općina, sud ili notar).
- dostavljeni Aneks 7 (Izjava iz člana 52. Zakona) je bez neophodne ovjere od strane nadležnog organa uprave – (općina, sud ili notar).

Detaljno obrazloženje oko pregleda i ocjene ponuda konstatovano je u Zapisniku o pregledu i ocjeni ponuda broj: 03-11-7-1095-4/24 – ME/ES od 20.06.2024.godine, sačinjen od postupajuće Komisije. Zapisnik će u skladu sa članom 71. stav (2) Zakona o javnim nabavkama biti dostavljen ponuđačima u postupku uz Obavještenje o rezultatima postupka.

Komsija je dostavila Preporuku ovom Ugovornom organu da, shodno odredbama Zakona o javnim nabavkama, podzakonskim aktima i općim aktima Zavoda i u skladu sa kriterijem za dodjelu ugovora "najniža cijena", donese Odluku o izboru najpovoljnijeg ponuđača kojom se bira ponuđač BH SIGURNOST d.o.o. Tuzla, sa cijenom u iznosu od 54.000,00 KM bez uračunatog PDV-a odnosno 63.180,00 KM sa uračunatim PDV-om.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije. U postupku je procijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Javnim pozivom.

Uzimajući u obzir sve naprijed navedeno, odlučeno je kao u članu 1. dispozitiva ove Odluke.



**UPUTSTVO O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi putem ovog Ugovornog organa najkasnije u roku od 10 dana od dana prijema iste.

**Dostavljeno:**

1. Ponuđačima (s dostavnicom)
2. a/a



**DIREKTOR**

**Doc.dr.sc. Denis Husić, dipl. pravnik**